



Na osnovu člana 2.9 stav (1) tačka 17. Izbornog zakona BiH ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22, 51/22, 67/22 i 24/24), a u skladu s članom 10 stav (1) Uputstva o provedbi pilot projekata na Lokalnim izborima 2024. godine uz upotrebu izbornih tehnologija, ("Službeni glasnik BiH", br. 31/24), Centralna izborna komisija BiH raspisuje

**P O N O V N I J A V N I O G L A S**  
**za izbor glavnih operatera i operatera za provedbu „Pilot projekata -  
za Lokalne izbore 2024. godine“**

**Uvodna napomena:**

**Visina naknade za rad glavnih operatera i operatera iznost će od 300,00 KM do 400,00 KM a u pitanju je angažman do tri dana, uključujući dan izbora i obaveznu obuku.**

**Centralna izborna komisija BiH posebno apelira na studente viših i visokih školskih ustanova, učenike završne godine srednjih škola (sa navršenih 18 godina i uz posjedovanje ličnog identifikacionog dokumenta) da se prijave i steknu nova iskustva o upotrebi novih tehnologija u izbornom procesu.**

**I Objavljuje se Javni oglas za izbor glavnih operatera i operatera za provedbu „Pilot projekata – za Lokalne izbore 2024. godine“ kako slijedi:**

- Zvornik bira se 10 operatera,
- Bijeljina biraju se 2 glavna operatera i 29 operatera,
- Brčko distrikt BiH bira 110 operatera,
- Grad Mostar bira 10 operatera.

**II Uslovi koje kandidati moraju ispunjavati:**

**Opći uslovi:**

1. Za operatera ne može biti imenovano lice (član 2.3.IZ BiH) :
  1. koje se ne može kandidovati u smislu odredbi članova 1.6, 1.7 i 1.7a Izbornog zakona;
  2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
  3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
  4. koje je kandidat za izbore za bilo koji nivo vlasti; i
  5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

**Posebni uslovi:**



**Glavni operater:**

- da ima završen VII/1 ili VI ili IV stepen stručne spreme ili završen fakultet Bolonjskog sistema studiranja s najmanje 180 ETCS informatičkog smjera;
- da posjeduje napredno poznavanje rada na računarima u dijelu hardvera i Windows operativnog sistema.

**Operater:**

- da ima završen IV stepen stručne spreme informatičkog ili tehničkog smjera ili gimnaziju ili je završna godine srednje škole informatičkog ili tehničkog smjera ili gimnazije;
- da posjeduje osnovno poznavanje rada na računarima u dijelu hardvera i Windows operativnog sistema.

**III Potrebna dokumentacija:**

1. prijava na javni oglas (popunjen obrazac),
2. potpisana izjava kandidata da se na njega ne odnose odredbe člana 2.3. Izbornog zakona BiH,
3. fotokopija diplome ili uvjerenja o završenom fakultetu, odnosno višoj i/ili srednjoj školi, ili potvrda da je završna godina srednje škole.

**IV Objava javnog oglasa**

Javni oglas će biti objavljen na web stranici Centralne izborne komisije BiH [www.izbori.ba](http://www.izbori.ba), u tri dnevne novine, na društvenim mrežama Facebook i Instagram na kojim Centralna izborna komisija BiH ima svoje profile, na web stranicama općina odnosno općinskih izbornih komisija, na oglasnim pločama općina u kojima se biraju asistenti operatera i operateri.

**V Rok za podnošenje prijave**

Rok za podnošenje prijave je sedam (7) dana od dana objavljivanja javnog oglasa na web stranici Centralne izborne komisije BiH [www.izbori.ba](http://www.izbori.ba).

**VI Organ za provođenje postupka**

Postupak provođenja procedure izbora asistenta operatera i operatera po javnom oglasu provest će Centralna izborna komisija Bosne i Hercegovine.

**VII Imenovanje asistenta operatera i operatera**

Nakon isteka roka za objavu javnog oglasa Centralna izborna komisija BiH će formirati rang listu prijavljenih kandidata po osnovnim izbornim jedinicama u kojima se provodi javni poziv. Prilikom formiranja rang liste prednost će imati:



- a) kandidati koji prilože traženi certifikat,
- b) kandidati s visokom i višom stručnom spremom,

Centralna izborna komisija BiH će imenovati glavne operatere i operatere po osnovnim izbornim jedinicama s liste uspješnih kandidata.

### VIII Prava i obaveze asistenta operatera i operatera

Imenovani asistenti operatera i operateri će biti obavezni proći obuku koju će organizovati Centralna izborna komisija BiH.

Nakon što završe obuku glavni operateri i operateri će imati obavezu:

Glavni operater – da nadzire rad biračkih mjesta za koje bude zadužen po pozivu operatera, putem telefona ili odlaskom na biračko mjesto na kojem operater radi, da otkloni sve poteškoće koje je operater prijavio.

Operater ima obavezu da preuzme i instalira opremu dan uoči izbora, da provjeri rad opreme, pruža podršku radu biračkog odbora na dan izbora, da nadzire rad opreme tokom izbornog procesa te deinstalira i dostavi opremu biračkih odbora. Ima obavezu da provede testiranja aplikacija, dan prije održavanja izbora da na biračkom mjestu montira opremu, sat prije otvaranja biračkog mjesta da pripremi opremu za rad, u toku glasanja da opslužuje aplikaciju za autentifikaciju i aplikaciju za transmisiju izbornih rezultata.

Centralna izborna komisija BiH će posebnom odlukom odrediti visinu naknade za rad glavnih operatera i operatera.

### IX Ostale informacije

Prijave na javni oglas s potrebnim dokazima o ispunjavanju navedenih uslova, kandidati će dostaviti, Centralnoj izbornoj komisiji BiH putem e-maila [kontakt@izbori.ba](mailto:kontakt@izbori.ba), putem pošte na adresu Centralne izborne komisije BiH: Danijela Ozme broj 7, 71000 Sarajevo, ili lično u sjedištu Centralne izborne komisije BiH na navedenoj adresi:

Nepotpune i neblagovremene prijave izborne komisije neće uzeti u razmatranje.

Odluka Centralne izborne komisije BiH o izboru asistenta operatera i operatera je konačna.

Broj: 06-1-07-1-1929-1/24  
Sarajevo, 17.09.2024. godine





**PRIJAVA NA JAVNI OGLAS ZA IZBOR GLAVNIH OPERATERA I OPERATERA ZA  
PROVEDBU „PILOT PROJEKATA - ZA LOKALNE IZBORE 2024. GODINE“**

Ime i prezime: \_\_\_\_\_

Adresa: \_\_\_\_\_

Kontakt telefon i e-mail: \_\_\_\_\_

Stepen stručne spreme: VSS / VŠS/ SSS

Prijavljujem se za glavnog operatera/operatera u osnovnoj izbornoj jedinici:

\_\_\_\_\_

Za poziciju: a) Glavni operater

b) Operater

**NAPOMENA: Potvrđujem da se u prilogu nalaze svi dokazi o ispunjavanju uslova traženih  
Javnim oglasom.**

Datum, \_\_\_\_\_

Potpis kandidata

\_\_\_\_\_